

NAMIBIA SENIOR SECONDARY CERTIFICATE

FIRST LANGUAGE OSHIKWANYAMA HIGHER LEVEL 8304/1

PAPER 1 Reading and Directed Writing

2 hours 30 minutes

Marks 60

2017

Additional Materials: Answer Book

INSTRUCTIONS AND INFORMATION TO CANDIDATES

- Write your answers in the Answer Book provided.
- Write your Centre Number, Candidate Number and Name in the space on the Answer Book.
- Write in dark blue or black pen.
- Do not use correction fluid.
- Answer **all** questions.
- Pay attention to spelling, punctuation and sentence structure.
- The number of marks is given in brackets [] at the end of each question or part question.

OMALOMBWELO NOMAUYELELE KOVAHONGWA

- Nyola omanyamukulo oye mEmbo lOmanyamukulo olo wa pewa.
- Nyola onomola yOsenda, Onomola yEkonakono nEdina loye kEmbo loye lOmanyamukulo.
- Nyola nopena imbulau ile ilaula.
- Ino longifa okadimifo komeva.
- Nyamukula omapulo **aeshe**.
- Kotokela esipelo loitya, elongifonawa loileshifo netungo lomatumbulo.
- Omwaalu woitwa owa yandjwa moikondekifombine [] konima yepulo keshe ile yoshitukulwa shepulo.

This document consists of **6** printed pages and **2** blank pages.



Republic of Namibia

MINISTRY OF EDUCATION, ARTS AND CULTURE

OSHITUKULWA SHA-A

Lesha ouhokololo ava tava shikula apa, ove u nyamukule omapulo taa ka pulwa.

Okaleshwa 1

Omiti

Efelemudo la pita, omiti odo da tuvikila edu okwa hokololwa kutya oda hanaunwa po, osho sha eta opo pa kale ouhefike pamwe womidingonoko. Eefuka ohadi dana onghandangala monghalamwenyo yomunhu, shaashi ohadi tu pe omakwafo ngaashi oikuni, oiti, oikulya, omiti dokuhakula, omudile pefimbo lokwenye nomhepo iwa oyo hatu fudile mo.

Omiti ohadi yandje omalukalwa koinamwenyo nosho yo koudila nohadi tu pe omhepo iwa italala nawa. Omiti ngeenge oda kana po, lipula ashike kutya oinamwenyo ngaashi omayoka, oikoko, oinyengele, eendjele noinamwenyo aische yomofuka tai ka kala peni? Imwe omo ngaho tai kala hai uya momaumbo etu omo, i konge omudile omanga imwe tai kana po filu, ndele tai kala ihai monika mo vali momidingonoko detu.

Oupyu nao hau ngabekwa nekwafelo lomiti nodula ohai loko nawa ngeenge onhele oi na omiti dihapu. Eenhele odo di na omiti dihapu ohadi kala da talala nawa di dulife eenhele odo di na omiti di li li kokule. Okutwika omiti dihapu meedoolopa otashi tu vatele koupyu womatungo male nosho yo keesamente, odo da longifwa mokutungo omatungo. Omunhu oho kala alushe u udite onunwa ngee wa kalelwa komiti ile koimeno.

Oshinima shimwe sha fimana, osho omiti dokuhakula, odo hatu kufa komiti. Ovanhu monale okwa li hava longifa oitukulwa ihapu yomiti, opo ve lipange vo vene komifi da yooloka. Omahangano mahapu monena ohaa longifa omaludi oihemba ya dja komiti ile koimeno mokuninga omaadi okuvava, eefewa dokukosha ile dokulikosha.

Oilongifo ya fimana hai di momifitu dakula oyo oiti oyo ovanhu vahapu hava longifa okudikifa omalukalwa avo. Ohava kufa ko yo oikuni, oyo i li oilongifo kuhe na vali yefiku notai twikile okukala ya pumbiwa moilongo ihapu. Omiti ngaashi omiuva ohadi tetwa po nelalakano, opo ovanhu va ka ninge oipilangi yokuninga oipundi, eembete, oitaafula naikwao imwe ihapu. Komiti oko yo haku di oilongifo ihapu ya fimana yomaudano, nohadi longifwa okuninga eembapila dokushanga, osho yo eembapila odo hadi longifwa mounduda vokulikwafela. Omiti dihapu ohatu dulu oku di kaleka po, ngeenge ovanhu va kaleke elongifo lihapu leembapila, ndele tava kala unene hava longifa oikwautegnologi ngaashi, eekompiuta, eengodi dopeke nosho tuu mokuninga omakwatafano.

Omiti oda fimana yo vali, shaashi ohadi yandje ongushu komaumbo nokomatungo etu e lili noku lili. Ongushu yeumbo ohai londo pombada ngeenge eumbo oli na oikunino ya filwa oshisho. Ohadi yandje yo omhepo italala nawa keumbo notashi ku xupifile sha mondjato, opo uha longife oimaliwa ihapu mokulanda omashina okutalaleka omhepo.

Okuteta omiti ohaku nyono oushitwe, unene kombinga yoinamwenyo ngaashi oudila ovo hava ningi omalukalwa avo momiti, nongeenge nee oda tetwa po, nena oinamwenyo oyo ohai fininikwa i fiye po omalukalwa ayo nokuya keenhele dokokule, osho hashi eta nokuli iha monike po vali pomudingonoko opo. Omiti odo yo hadi yandje omidile koinamwenyo, onghee ngee da tetwa po oinamwenyo otai londoka po ponhele opo.

Ekanepo lomiti otali nyono onghalo yomhepo pamikalo dihapu, shaashi omiti odo hadi yandje omuku womeva momhepo oo ihau dulu okupingenwa po na sha. Ohadi yandje omudile oo hau kaleke po oututo medu. Omiti odo yo hadi tu pe omhepo oyo hatu fudile mo ya yela nawa, oyo ya pumbiwa kukeshe oshinima shi na omwenyo kombada yedu. Omiti ngeenge nee oda kana po, nena eemhepo domewangadjo otadi hapupala, newangadjo otali pupyala osho tashi etifa omikifi kovanhu ngaashi, okaangela yoshipa ile oshipa tashi nyuwa.

Odula ngee ya loko ndee ope na omiti, ohadi pona po omeva noku a pungula momidi dado, ashike ngee oda tetwa po, omeva otaa kunguluka, shaashi kape na osho tashi a kelele. Eshi otashi dulika shi ete efundja koitukulwa imwe, omanga kuikwao oshikukuta.

Omahangano omounyuni, Oiwana yaHangana nOmbaanga yOunyunyuni oda tula moilonga eeprograma dokukelela enyonauno/ehanaunepo lomiti, unene moilongo oyo opo tai putuka. Eemhango nomalandulafano okuteta omiti, oda pumbwa okutulwa moilonga, opo ku kelelwe omaupyakadi, oo haa etwa ketetepo lomiti.

Okuwapaleka onhele pakuteta po omiti naku kelelwe, opo ashike ku xulifwe po omukundu wehanaunepo lomiti. Ounene weefaalama nau ngabekwe, opo diha etife etetepo lomwaalu uhapu womiti.

Omiti opo di tonatelwe nawa, naku longifwe ouyelele wopashitukimhepo (Satelite) okukonakona oitukulwa oyo ya tetwa omiti, opo omapangelo a katuke eenghatu domondjila odo tadi kaleke po omiti mounyuni. Naku tulwe moilonga omukalo wokukuna omiti, opo pwa tetwa dimwe. Moushilo waAsia oilongo oya tula omukalo ou moilonga nowa hapupala kanini nakanini. Pokati ko-2000-2005, omiliyona imwe yeehekita domifitu muAsia, odo da li da nyonaunwa po, oda alukila po vali.

Omiti ohadi tu pe omhepo yokufudila mo, onghee inadi pumbwa okutetwa po. Omunhu okwa pumbwa alushe okukuna ile okutwika omiti ponhele opo e li, opo ku yandjwe onghalamwenyo iwa kounona vetu nokomapupi tae uya.

Okaleshwa 2

Embuwaleko

Oshititatu shounyuni osho ombuwa ile etatambuwa. Okwa tengenekwa kutya epupyalo lewangadjo otali hapupala konghalo yomhepo yomombuwa lweepelesenda omulongo naheyali pefelemudo tali landula. Embuwalo otali lundulula ombuwa i kale itai eta po sha nonande ya li hai eta oilikolomwa. Ponhele, opo pa holoke ombuwa ohashi etwa koinima ihapu ngaashi, oulifilo wa pitilila, elongifo leemboola, okulonga ounamapya, etekelo loimeno papuko, eemina, nokufa omalambo molwexumokomesho.

Oulifilo wa pitilila ohau eta unene embuwaleko mounyuni aushe, osheshi oimeno yomombuwa ohai lika po koinamwenyo ngaashi, eengobe, eendongi, eedi noikombo osho yo koinamwenyo imwe oyo tai hangika moshitukulwa osho. Monale ovanaimuna ova li hava ende noimuna yavo tava kongo oulifilo nomeva, ashike monena otaku longifwa eedate, omo mwa tulwa oifitukuti. Ooimuna ihai efwa i linyenge nemanguluko nohashi eta ekunyuko ledu, hano oulifilo wa pitilila.

Elongifo leemboola di li mefaalama nasho otashi eta oulifilo u kunyuke po filufilu, osheshi oinamwenyo ohai kala ya ongala peemboola notai mbuwaleke onhele opo i li.

Okuninga ounamapya otaku etifa embuwaleko mounyuni. Ovanafaalama ohava longifa unene edu nai, osho hashi kufa edu oushoshu, ndele edu otali tutuka noimeno itai mene mo vali nawa.

Ovanhu ohava tete po omi noku di longifa ongoikuni. Omiti adishe ngeenge oda tetwa po, ihapa kala vali sha tashi amene edu, onghee edu otali ningi ondwi notali pepwa po komhepo. Ondwi ei ohai dulu okweeta omikifi dokomapunga ngaashi, Oasma, OTB nadikwao.

Moitukulwa imwe otamu hangika ovanafaalama tava tekele oimeno papuko. Okutekela kwatya ngaha otaku ningi edu oshimongwa, unene tuu moitukulwa oyo ihe na oimeno. Ovanafaalama ohava fe omikangha mokutekela oimeno nokulongifa omikalo dimwe dii dokutekela, omolwomhumbwe yomeva. Epooelo lomeva okweenda momikangha li li ngaho, ohali eta oshimongwa shi tutume medu.

Oilongo noilongo eshi tai ende tai kulu mexumokomesho, otai eta omalunduluko notashi eta embuwaleko. Oshilongo ngeenge otashi tungu, eenhele dihapu ohadi kokolwa, opo pa tungwe omatungo ngaashi, eefabulika, omandiki, eembelewa. Ohapa fewa yo omalambo opo mu tulwe ominino domeva, oimbodi, eengodi domalusheno osho yo eendama donyata. Ovanhu ovo yo va hangwa ponhele opo ove na okutambulwa po, va ka kongelwe omalukalwa amwe e lili. Hano komukalo wa tya ngaha edu otali mbuwalekwa notali dulu okupepwa po noupu komhepo nokukungululwa po komeva. Eedoolopa otashi dulika yo di hangike kefundja, osheshi eendjila domeva oda fitikwa. Omiti domihongo odo hadi hokololwa da li ko, hadi longifwa mokuninga omitengi nokutunga eengulu paife oda kana po, eshi da fundaulwa po komambakumbaku mokuninga eendjila noupale veedila.

Odula ngee ya loko, ndele kape na omi, omeva ohaa kunguluka a yuka momatale nomomilonga omo, oo taa twaalele mo nee eembakiteli adishe tadi hangika opo. Eshi otashi dulu okweetela keshe ou te ke a longifa omikifi, odo hadi di momeva a kaka, shaashi kape na eshi tashi a kelele. Tashi dulu yo okweeta efundja koitukulwa imwe, ofimbo kuikwao oshikukuta.

Ope na oshinima osho shokufa omalambo oo haa kufwa omadu taa landifwa kwaavo tava tungu omaumbo neengeshefa. Oshinima eshi nasho ohashi nyonauna edu nomiti adishe odo da hangwa po, ohadi fewa noihapa dulu vali okumena omiti ile oimeno. Ohapa kala ashike omalambo oo haa etifa nokuli edu li kungululwe po komeva. Edu ohali ende tali kanifa omutungilo walo nondjala otai uya moshilongo.

Omalambo amwe ngaashi okufa eemina ohashi mbuwaleke edu, shaashi eemina ohadi longifa onhele yakula ngaashi unene odo domahooli nomakalamanya. Omiti noimeno yoponhele opo ohai fi po koudiyo oo hau di meekemikala odo hadi longifwa okukufa mo oikwamina medu ndele onhele tai mbuwala. Oimbodi oyo hai di meemina ohai kakeke omudingonoko nokudipaa po oimeno aishe oyo tai hangika po.

Eenhele odo di na oita noluhepo odo unene hadi kwatwa kondjala, osheshi luhapu ihadi mono odula ya wana. Ohamu holoka oshikukuta molwaashi edu inali filwa vali oshisho, lo vali ohali nyonauka komaudiyo oikuti neeboma odo hadi longifwa moita. Pamukalo wa tya ngaha, omiti otadi hanaunwa po noikulya ohai pumbu, shaashi edu nande oli longwe, ihali eta vali eteyo liwa. Omhumbwe yoikulya ohai eta nee omanyutu mounona noitava kulu vali nawa. Omikifi yo ngaashi eninipalo lohonde molutu (Anemia) neliko lohilongo ohali kumwa, shaashi ovanhu ove na okupewa omakwafo opaunamiti nokuhavalekwa oikulya yoshikukuta molwondjala.

Embuwaleko opo li kelelwe, opa pumbwa okuningwa omikalo di lili noku lili ngaashi, kombinga yovanaimuna ova pumbwa okuninipika omaulifilo, opo oimeno i dule okumena nokukula nawa. Naku longifwe omukalo wokutuvikila edu nomafo ile noihati, opo ku ninipikwe epwiinino lomeva medu.

Omukalo muwa wokukelela embuwaleko okufila oshisho edu olo la kukuta, opo liha ninge ombuwa. Ovanhu nava efe edu lilaalulile oushoshu, manga inali ningwa eefaalama domaulifilo.

Edu letu, uyamba wetu, onghee otwa pumbwa oku li fila oshisho.

- 1 Owa lesa ouleshwa tava popi omiti nembuwaleko. Ngongela kumwe oilanduli yetetepo lomiti nembuwaleko mouleshwa ava vavali.

Shi ninga noitya **250 – 300**.

[20]

- 2 Peedula edi oshilongo shetu Namibia osha li moupyakadi woshikukuta omolwodula oyo ihai loko ya wanena. Oshitukulwa shaPuwo osho unene sha dengwa sha lila koshikukuta, unene tuu oimuna. Ove ou li omutoolinghundana woshifokundaneki sho “The Namibian”, owa li wa talela po oshitukulwa osho u tale onghalo yoimuna nghee i li. Nyola olopota koshifokundaneki sheni, u lopote osho wa didilika onghalo oyo.

Shi ninga noitya **250 – 300**.

[20]

OSHITUKULWA SHA-B

Omuwambo oha ti shiwa ihaku tiwa landa, ye ta ti vali oipindi omomesho. Oipindi oya ninga oniningwanima yefiku keshe moshilongo shetu. Pefimbo loipindi/lomapindikafano ovanhu ohava mboboloka okudja keenhele neenhele doshilongo, poishiindalongo nokoilongo yokombada yomafuta opo ve uye va ulike oilikolomwa yavo i lili noku lili, ipe opo ya ndulukwa ile inai monika mo nale monhele omo. Mounyuni wonena apa pe na omapindikafano opo tapa hangika exumokomesho leliko nolomudingonoko nosho yo koshilongo ashishe. Ovpindikiki ava ohave uya nee oku tu ulikila nhumbi oipindi yavo hai longo ile hai longifwa.

- 3** Ove ou li Mayola/Omukulunhuwiliki wodoolopa yonhumba. Longekida nee oshipopiwa shetambulo lovaenda, ovo ve uya keuliko lopaipindi modoolopa yeni, u va yelifile efimano nomalalakano oipindi.

Shi ninga noitya **250 – 300**.

[20]

BLANK PAGE

BLANK PAGE